

Kangiqhidjutikhat

Roseola

Hunauva roseola?

Roseola pitjutiuraanginnaqtuq nutaqqni aannialaqitjuti piyuq vairassimin (virus). Aannialaqiryuayuititut hulaqutilluaqpaktuqlu nutaqqanik ukunanik 6-sinik tatqirhiutiqaqtunit malruukni ukiuliknun.

Qanuqtun roseola hiamitpakpa?

Roseola hiamitiqpaqtuq nuvakkut mikiyuninlu kuhirnirin iptinin qingarnin iggianginninlu aanniaqtunin inungnin uqaraangata, iglaraangata, qalakhuraangata, takyuraangataluunniit. Ilihimayaungittuq qanuqtun hivituniqarningani nutaqqat roseola-qarhimayut hiamitiqtaarniqaqtut aallanun.

Hunauvat naunaitkutit uvani roseola-mi?

Nutaraq roseola-qaqtuiq kitjakpaqtuq uunaqutiillu qunmuhainnaqtaaqtuq, ilaani qulvahitqiyayumun uumannga 39.5°C (103° F). Qunmuhainnarniq uunnangnirni pitjutittaaqtuq kitjakkut qiiqinirmik (ilihimayauyuqlu kitjangnirmit qiiqiniq). Taimaatut qiiqiniq kappianaqpiaqtuugaluaq, pivaktuq ikittunik upluqhiutip takiyuani kaivvianik, aannirutigiyaungittuqlu. Nutaqqavit uunnangninga utiqhunguyuq nakuuhiluni iluani pingahuni tallimanun upluni.

Imaakiaq 24 ikaarniit kitjangniq qaangiqhimaliqaqtat, aupatjangniq nuivaktuq. Mikiyut aupayangayut aupayaaqtulluunniit kaimalluriktunnuat nuivaktut qunguhinirmi, hatkami, timimilu. Aupatjangniq piyaaqtuq malruuknun uplunik. Atauhiq taungnarutaa roseola-mi taamna aupatjakniq nuivaqtuq kitjakhimaruiraaq. Tamatqiuviyakhamayuni aallani nutaraupluni aannialaqitjutini, kitjangniit aupatjangniit pivaktut atauttikku.

Ilangit nutaqqat piqaqpaqtut aallanik naunaitkutitik imaatut kakkiliqtaqhuni, itiktaqhuni, miriaqpakhuni, puvihimayuniklu qinirhinanik qunguhinirmi.

Qanuqtun ilihimavit piqaqtutit roseola-mik?

Aanniaqtailnirmut havaktit naunaiqtaaqtaa illiturnirmik roseola-mik talvuuna takunnaqtumik aupatjangnirmin imaaluunniit, ilanginni, aukku ihivriuingani.

Hunauva havauhitjutaa?

Tamatqiuvyaktut nutaqqat nakuuhiffaaqparhimavaktut roseola-min iluani atauhirmi havainirmi pitjutilraanganin kitjakknirmin. Aanniaqtailnirmi havaktimin uqautjutaanin, tunittaaqtat nutarat niuviqtaaqtauyunik havautinik kitjaiyautinik, imaakiaq acetaminophen (Tylenol, aallallu) uumingaluunniit ibuprofen (Advil, Motrin, aallallu). Tunihuilutit aspirin-mik nutaqqanun inulraammiinnunlu.

Antibiotics, havautit qupilrunun huulimaittut havauhiqtuinikkut vairassikkut (viral) aannialaqitjutini imaatut roseola-mik.

Una roseola pilailarhuqtaaqqa?

Piqangittuq havauhiqtuutikhamik pilailarhuqtaarutikhaanun roseola-mik. Nutarat aannialiqihimakpat roseola-kut, aihimapatjavat nutarailrumilu kitjaguiqhimalirninganun. Tamatqiuvyait inuit aannialaqilaitjutikhanik roseola-mun talvuunga ilihariaqtaalaqigaangata, aannialaqilimairhutik taita taaffumunga. Taimaatut, atauhiq iglumiutaq aannialiqqat vairassikkut, pipkarlugit tamaita ilait algatik uaqattaqpakguliit pilailarhurnahuarnikkut hiaminnia vairassip kinamun aannialiqitjutittaaqtaanun.